



**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

6. An præter Vicarios episcopales dentur quoque aliorum Prælatorum  
Vicarii.

---

[urn:nbn:de:hbz:466:1-74203](#)

tur. In Decretalibus sunt quidem certi tituli de officio Archipresbyteri, de officiis Archidiaconi (qui & ipsi sunt & vocantur Vicarii Episcoporum; quin & Archidiaconum esse Vicarium Episcopi generalis satis testatur Innocentius III. in c. ad hec. de officio Archidiaconi) dom de eo ait: & ipsius Episcopi Vicarius reperitur, omnem solitudinem & curam tam in Clericis quam in Ecclesiis eorum impendendo non tamen veniunt in illis dicti Episcoporum Vicarii generales. Titulus etiam qui inscribitur de officio Vicarii, non agit, nisi ut dictum q. 1. de iis Vicariis siue perpetuis, siue temporalibus, quos Parochi aliquae Beneficiarii inferiores suis in Ecclesiis instituere possunt. In cap. sue nobis agitur de Vicario, quem Papa crebat Romae, cum ab ea aliquando absfutus erat, quin & spirituali jurisdictione instruebat in Urbem universam; verum id solum attinet Romanum Praefectum, & eo tantum tempore, quo is Romam abest. In Concilio Lateranensi sub Innoc. III. c. quoniam, de officiis. Jud. ordinari. statutum quidem fuit, ut si qua in urbe vel dioecesi plures essent populi non una lingua, diversis moribus, aliis & aliis ecclesiasticis ritibus utentes, totidem ab Episcopo constituerentur Vicarii Generales, qui singulis adminicula salutis necessaria suppeditare possint; sed ea, ut inquit Thomasius. l. c. c. 8. n. 2. singularis erat species, ex qua inferre etiam licet, alias in more possum non fuisse, ut Vicarios generales Episcopi quique suos deligerent. Facit quoque in eodem decreto Innoc. 3. copiam Episcopo istiusmodi, ut alium sibi subjungat Episcopum tanquam Vicarium generalem, qui diversi sermonis ritusque populum regat. Sed & haec rara ac singularis omnino est species, ut idem Thomasius. Item in eodem Concilio Patres hortati sunt Episcopos, ut si non posse numeros omnes sui officii implere, adjutores & cooperatores sibi accercent. Sed & hinc rursus liquet, ne quidem id usitatum tunc fuisse, cum ad id admonendi erant Episcopi.

5. Erant tamen etiam tunc in nonnullis dioecesiibus Vicarii generales Episcoporum, quemadmodum Gilduinum Abbatem S. Victoris apud Parisios fuisse Vicarium generalem Episcopi Parisiensis testatur Thomasius l.c. n. 3. ex Histor. Universitat. Parisiens. Tom. 2. pag. 131. Item Abbatem Monasterii canonorum Praemonstratensem ex antiquo usu esse Vicarium Episcopi Virdunensis; sed ait Thomasius, et tunc parum frequentia fuisse exempla; subditque per quam verisimile esse, in crebrescentes Episcopos inter & Archidiaconos dissensiones eo remedio esse sedandas, ut Vicarii generales ab Episcopis crearentur, qui paulatim supra Archidiaconos assurerent, eorumque in se transferrent jurisdictionem, eam videlicet, quam cum vice & delegatione arbitaria Episcoporum olim obtinuissent, constante dein titulo & officio explicuissent tanquam sibi propriam: cuius rationis momenta tanta fuere, ut titulus de officio Vicarii in 6. totus omnino sit in illustratione Episcoporum Vicaris generalibus eorumque numeribus. Unde saeculo demum 13. universim involuere Vicarii, & deinceps vigeere in omnibus Episcopatibus.

6. Porro unum eundemque tunc fuisse Officialem & Vicarium generalem; eo, quod necdum tunc forsitan tam accurate discernerent jurisdictionem contentiosam à voluntaria, ostendit Thomasius. cit. c. 8. n. 3. de cetero de officialibus Episcoporum speciali capite, uimurum 9. agit Thomasius, quem vide.

E. Leuren. Vicarius Episc.

Questio 6. Num praeter Vicarios Episcopales dentur quoque aliorum Prelatorum Vicarii?

1. Resp. Affirmative; nam primò datur Summi Pontificis in Urbe Vicarius, qui ibi velut Ordinarius est in sua Dioecesi, & jurisdictione habet in Clericos. Sbroz l. 1. q. 3. n. 19. citans Vantum de nullitat. ex defect. jurisdiction. n. 12. Mandos. ad regul. 14. q. 6. n. 5. Dantur item Vicarii Papae generales per eum ad certam Ecclesiam provinciam regendam destinati, ut exequantur illa ibi, quæ sunt fori contentio. Sbroz. l. c. n. 20. citans Capram Reg. 92. n. 8. ac remittens ad Roman. conf. 59. Pavin. de potestat. Capitul. sed. Vac. p. 2. q. 10. in fine, ubi is de Vicariis quondam Ferrarie, Pisauri, Ariminii, aliarumque Civitatum Ecclesiarum. Item ad Ruin. conf. 148. n. 8. Alphon. Carmon. de incompatibilitate benef. c. 15. n. 1. p. 1. ubi illi de aliis Vicariis Apostolicis. Et inter hos Vicarios Papae magnam autoritatem habet vices gerens Apostolicus Avenionensis, qui est loco Auditoris Camerarum. Sbroz. cit. n. 20.

2. Secundò sunt Vicarii Cardinalium Legatorum de Latero. Sbroz. n. 21. & de his Pavin. l. c. n. 35. Item Vicarii Cardinalium in Ecclesiis eorum titulis subjectis, in quibus Cardinales habent jurisdictionem Episcopalem. Sbroz. n. 22.

3. Tertiò sunt Vicarii Capitulorum sede vacante, de quibus infra.

4. Quarto sunt Vicarii administratorum Episcopatum sede vacante. Sbroz. loc. cit. n. 30. & q. 6. 2. ubi, quod Administrator talis constituere debeat Vicarium, quia succedit in ordinaria jurisdictione Episcopi, & a pari procedunt Administrator talis, & Capitulum sede vacante.

5. Quinto sunt Vicarii Vicariorum Papæ, & vicariorum Episcoporum. Sbroz. n. 31.

6. Sexto sunt Conservatorum Vicarii. Sbroz. n. 32. & de his apud illum Baldus in l. aliquando. n. 5. ff. de officiis. Procons. Abb. in c. statutum. extra. de officiis. de legat.

7. Septimo Vicarii Archidiaconorum. Sbroz. n. 34. de quibus apud illum Gl. in Clem. & si principal. de rescript. v. Episcopi, qui in hisce partibus dicuntur Commissarii Archidiaconales.

8. Vicarii Archipresbyterorum, Plebanorum, & Sacrificiarum majorum, qui ad ministeria Ecclesiarum Vicarios constituant. Sbroz. n. 36. de quibus apud illum Ferret. conf. 327. n. 3. Parisius. &c.

9. Nonò Vicarii Abbatum, qui habent usum mitrae, & baculi, & jurisdictionem in Ecclesiis, & locis Abbatiz subjectis. Sbroz. n. 39. & de his apud illum Paris. conf. 22. n. 19. in 4. Rebuff. in pr. beneficiis. de Vicar. Episc. n. 24. & 169. & alii.

10. Decimò Vicarii Abbatarum, Priorissarum habentium quodammodo jurisdictionem in subjectis. Sbroz. n. 42. & de his textus est in c. dilecta. Et ibi Abb. de maiorit. & obedient. Pavin. loc. cit. pr. trad. 6. num. 22.

11. Undecimò Vicarii Ordinum Regularium, qui Generalatu vacante creari solent à Papa. Sbroz. n. 40. & 41. & de his apud illum sunt textus in clem. dudum. §. statutum de seipsum. in clem. ex vi, §. ceterum & ibi Cardin. de verb. signif. Mandos. loc. cit. n. 14. de quibus quoq; vide Card. de Luc. de Regular. d. 9. num. 6.

12. Duodecimò Vicarii Provincialium Ministeriorum, aliorumque Superiorum Regularium. Sbroz. cit. n. 40. & 42. denique Vicarii quoque plurium in

## Cap. I. De Vicarii nomine, definitione,

Jure Civili reperiuntur. De quibus vide Sbroz. loc. cit. à num. 43.

Questio 7. *Vicarius Episcopi quis propriè sit?*

**R**espondeo quamvis, ut constat ex jam dictis, loquendo in genere is dici possit Vicarius Episcopi, qui gerit vices Episcopi. Sbroz. l. 1. q. 2. n. 1. quia tamen vel sic comprehenduntur & alii Vicarij Episcopales, qui jurisdictionem Episcopalem non habent, v. g. Archipresbyteri civitatenses, non nisi in quibulam ministeriis spiritualibus vices Episcopi gerentes. Sbroz. n. 2. juncto n. 7. Item iij, qui ad sola Pontificalia exercenda afluxuntur, quique, ut Barbos. *Juris Ecclesiast.* l. 1. c. 15 num. 7. hodie suffraganei dicuntur, hinc, ut descriptio conveniat solis Vicariis Episcopi, de quibus nobis hic sermo & tractatus, nempe qui Vicarii sunt jurisdictionis, si melius formabatur: Vicarius Episcopi est is, qui vices Episcopi gerit, exercendo jurisdictionem Episcopalem. Vel strictius adhuc, ut Sbroz. num. 4a ex Bartol. in l. 1. in fine ff. quis & quo Marant. de ord. judic. p. 4. dist. 5. n. 8. Covar. præc. gg. c. 4. n. 3. & aliis, quos citat: qui gerit vices Episcopi in eodem cum Episcopo tribunali, utpote per quam descriptionem jam etiam excluduntur Archidiocen-ii, qui, et si jurisdictionem ordinariam habent, non judicant tamen ex eodem cum Episcopo tribunali; quin & Vicarii foranei, qui solum jurisdictionem delegatam habent.

Questio 8. *Quotidie sit Vicarius Episcopi jam à nobis descriptus?*

**I**espondeo primo: Vicarius Episcopi alias est Generalis seu Principalis (nulla enim inter Vicarium Generalem & Principalem est differentia, ut Sbroz. l. 1. q. 29. n. 3. & seq. citans Glos. in Clem. 2. de rescr. v. Foraneus, & ibidem Ancharen. col. 1. Cardin. n. 3. & 24. Innoc. n. 17. & seq.) qui principaliter super eodem tribunali Episcopi vices gerit, cognoscendo causas omnes ad forum illud spectantes. Sbroz. l. 1. q. 3. n. 26. ita tamen, ut ad Vicariatum Generalem requiratur administratio in spiritualibus ei generaliter commissa quo ad omnia loca, seu totam Diœcesin. Pirh. loc. cit. num. 7. si enim constitutus solum sit limitate, tantum pro ijs, qui in civitate Episcopali, seu in qua est sedes Episcopalis & Episcopi deguit, non potest censeri is esse Generalis, et si sic appellaretur. Pirh. loc. cit. Laym ad c. Romana, de off. Vicar. in 6. Garc. p. 5. c. 8. n. 36. Sbroz. cit. q. 29. n. 1. qui etiam dicit eum apppellandum foraneum; ut id ipsum expresse ait C. de Luca ad Trident. d. 4. n. 8. ubi etiam ii, qui in ipsa civitate deputantur, foranei vel specialies Delegati dicuntur, quamvis Generalis titulus seu nuncupatio cum aliqua etiam Delegatione universitatis causarum ei tributus; quoniam erit quidem Vicarius Foraneus, sed cum aliqua maiore prerogativa & jurisdictione, quam regulariter hujusmodi Vicarius competat. Quia hoc ipso ita restrictus ad civitatem dumtaxat non faciet idem Consistorium cum Episcopo. Sbroz. loc. cit. n. 2. citans Glos. in cit. Clem. 2. de rescr. v. Foraneus. Item Glos. in c. 2. de consuetud. in 6. v. Officialis. Innoc. in c. Romana. de off. ordin. in 6. Paris. conf. 89. num. 10 in 4. Rot. decisi. 371. in nov. Sed habebit jurisdictionem à jurisdictione Episcopali divisam, eamque delegatam, non absimilem jurisdictioni Vicariorum ruralium. Laym. Pirh. locis cit. consequenter jam esse non poterit Delegatus seu Judex Apostolicus (nisi forte aliunde habeat dignitatem, vel sit Canonicus Cathedralis.

Pirh. loc. cit.) Garc. Pirh. locis. cit. neque expedire literas Apostolicas dispensationum, similesve directas Officiali seu Vicario v. g. Monasteriensi; ut potè quæ verba intelliguntur tantum de Officiali Principali & Generali. Garc. loc. cit. contra Flores de Mena. Hæc ipsa tamen declarat Sbroz. cit. q. 29. à n. 7. ut procedant, dum Vicarius constitutus esset limitate & expresse tantum pro civitate: si vero simpliciter constitutus esset (intellige pro civitate, absque expressa illa positiva limitatione & particula exclusiva tantum). Hanc euim mentem fuisse Sbrozii, patet ex rationibus, quibus suam declarationem probat) censendum tunc esse constitutum quoque in reliqua Diœcesi, & per consequens dicendum esse Generalem; eo quod cui commissa cura civitatis, dicatur commissa cura districtus. Pro quo postremo citat l. secunda. §. Cum urbem. ff. de off. Pref. urbis. Abb. & Felin. in c. Rodolphus. de rescr. n. 8. & specialiter, quod concessa alicui civitate, intelligatur etiam concessa Diœcesi. Pro quo citat Alexand. in addit. ad Barthol. in cit. l. 2. n. 3. Benedict. de Vald. in addit. ad Felin. cit. c. Rodolphus. n. 8. m. 13. &c. Et sic Vicarium Papæ positum simpliciter in aliqua urbe dici quoque possum in ejus territorio, ait Sbroz. n. 15. firmari à Pavin. de potest. cap. sed. vac. p. 2. princip. n. 10. ac denique n. 16. tutius nihilominus esse ait, in litteris commissionis Vicariatus exprimere etiam (ut communiter solet) Diœcesin. Pro quo citat Rebuff. in pr. tit. forma Vicariatus Archœpis. quia forma talis commissionis Vicariatus attendenda, ut Cardin. in Clem. 1. de off. Vicar. n. 17. & 18. Et mèritò hanc cautionem addit Sbrozii, cum dicta ab eo difficulter habere locum videantur, dum Diœcesis ampla est, & præter urbem sedis Episcopalis plures alias civitates & oppida continet: facilius vero, dum Diœcesis prætes dictam urbem exiguum districtum & territorium contineat. Certius videtur illud, quod tradit idem Sbroz. l. 1. q. 30. quod constitutus in & pro Diœcesi Vicarius censebitur etiam constitutus pro dicta urbe Episcopali; quia concessa Diœcesi, censeatur etiam concessa urbs illa, & appellatione Diœcesis veniat etiam urbs illa. Pro quo multos citat Authores. Deinde ad eundem Vicariatum generalem requiri, ut præfert ejus descriptio, ut omnes cause, quæ ad forum Ecclesiasticum, etiam exterrum pertinent, ipsi commissa sint, licet nil obstat, quo minus certum aliquod causarum genus alteri committi possit. Pirh. cit. num. 27. uti & quod plura si reservare possit Episcopus. Alius vero Vicarius Episcopi est minus principalis, & Priori seu Generali subordinatus pro certo districtu Diœcesis; vel etiam qui Consistorio Episcopali præst in certis tantum causis v. g. matrimonialibus. Qui esse nequit Delegatus Apostolicus; nisi aliunde, ut dictum, dignitatem habeat. Pirh. locis citatis citans Laym. de jurisdictione ordinari. conclus. 92.

2. Respondeo secundo: Vicarius Generalis Episcopi alias est simpliciter Generalis, cui tam in spiritualibus quam temporalibus administratio commissa est. Alius Generalis secundum quid, nempe vel in spiritualibus tantum, vel temporalibus tantum. Pirh. loc. cit. Vicarius in spiritualibus tantum simpliciter Vicarius, vel etiam cum addito Vicarius in Spiritualibus Generalis vocari solet, ut patet ex Trident. Sess. 13. c. 1. 2. 3. 4. & ex Brevibus Apostolicis, cum aliqua committuntur Episcopis seu eorum Vicariis, vicarii in Spiritualibus appellantur Generales, dicendo v. g. Venerabilis Episcopa Monasteriensi, seu dilecto filio eius Vicario in Spiritualibus